

26. august 2014

UKA 2014/29

Inatsisartut Suleriaasianni § 36 innersuussutigalugu apeqquteqaat allaavigalugu Inatsisartuni oqallisissiamik siunnersuut imaattoq saqqummiuppara:

**Meeqqat angerlarsimaffiminniik allamut nuunneqartartut siunissamut pilersarusiuunneqartarnerisa qanoq pitsannguuteqartinneqarsinnaanersoq apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Lars Mathæussen, Siumut)

**Tungavilersuut:**

Ukiuni makkunani meeqqat siunissaat pillugu angerlarsimaffiminniit avataannut inissinneqartartut eqqarsaatigalugit inissiiffigineqartuni pilersarusiortarneq tamani kinguartooqqavoq. Taamaammatt isumaqarpunga Inatsisartunit tapersorneqassasoq Naalakkersuisut pitsaanerusumik sullissinissamut aqutissamik nassaartariaqarnerat.

Taamaammatt oqallinnissamut siunnersuuteqarninnut tungavigisakka makkuninnga ilaqarput:

Ilaqutariit ingerlanerliortut kingusippallaamik qanoq iliuuseqarfigineqartarput, tamannalu aningaasarpassuarnik nunatsinnut naleqartarpoq, ilaat allaat Danmark-imut nassiunneqartarput nunatsinni nukissaqarfigineqannginnamik.

Aammalu inissiigallartarfiit namminersortut , meerarsiaqartartullu aningaasatigit inissisimanerat assigiinngippallaarmat meerarsiaqarnissaq ilaqutariinnut akisuvallaartoq maluginiarsimavara. Tassami ilaqutariinnut qaammammut 4.000 koruunit meeqqamut ataastimut akiliutaasarput, angerlarsimaffiugallartunullu namminersortunut 80.000 koruunit angullugit akiutaasarlutik.

Nunatsinni meeqqanik angajoqqaaminniik illuartaagallartunut aningaasartuutaasartut annikillilissagutsigit, aammalu angajoqqaaminniititsinnarneq tamanut pitsaanerpaasoq angussagutsigu angajoqqaanik sullissineq pitsaanerariaqarpoq, iliuuseqarnikkulli pitsaanerpaaffissaanut inissinnaammatt iliuuseqartariaqarpugut.

Iisimasatsituulli suliffissaaleqinerup annertuallaarnera pissutaalluni angajoqqaat meeqqaminnut maligassiuisinnaajunnaarlugit inissisimatitsileqqagatta. Tassani pissutaavortaaq suliffissanik annertuallaanik nunanut allanut nuussisimanerup qanoq iliuuseqarfigiumaneqannginnera, tamanna pissutaaqataalluinnarmat angajoqqaat meeqqaminnut isumaginnissinnaanerisa killeqarluinnalertarnerannut.

Piffissami sivitsortumi Ilaqutariinnermut Peqqissutsimullu ataatsimiititaliami annertuumik sammivarput meeqqat angajoqqaaminniik illuartaasimasut sullinneqarnerata sanngiiffii.

Meeqqat angerlarsimaffiit takuniaasarnerit ingerlannikuuagut aammalu MIO-p suliai ataasiarata ataatsimeeqatigiittarnitsigut malinnaaffigalutigit, tasanilu ersertarpoq angajoqqaat atugaat pitsaanngitsuugaangamik meeqqat atugaat pitsaanngilluinnalersimangaangata allaat anguneqartartoq angajoqqaaminniik peersitaagallartariaqartarnerat. Tamannalu pissuseq qaangerniassagutsigu meeqqat sullinneqarnerat siunissaallu pillugit pilersaarusiortarneq pitsaanerulluinnartariaqarpoq.

Isumaqarpungali pisussaasut iluarsiiutissamik tigussaasumik iliuuseqarnissaannut oqallinnissaq pisariaqarlunnaleqqasoq, meeqqammi siunissami nunaminni aqutsisuusussat atugaat toqqissisimanartuunissaat Inatsisartuni akisussaaqataaffigilluinnaratsigu.